

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 15. Media ad pacem obtinendam ab Oratoribus proposita.

[urn:nbn:de:hbz:466:1-67359](#)

Sæc. XVII. postquam vero Arbitri normam, juxta
A.C. 1644. quam singuli Oratores plenam agendi
 facultatem literis expressam instruerent,
 conceperant, atque ab his verbis; *Ab-*
solutis mandati literis tam ex parte Cæsa-
ris, qnam Regis Catholici & Christianis-
simi Regis Nos &c. inciperent, mox
 Galli Hispanum Galliarum Regi præ-
 poni querebantur: Subrogarunt arbitri
 hæc verba: *Ex parte Cæsar is & utrius-*
que Coronæ, ast utrumque Regem æqui-
 parari, rursus indignabantur Galli:
 substituenda esse hæc verba; *utriusque*
partis, censuit ipse Avallius Franciæ
 Legatus, sed obstitit Servientius alter
 Galliarum Orator, prævaluit tamen
 Avallius: sublatis igitur hisce difficul-
 titibus omnes Oratores suas quisque
 demandatæ potestatis literas Arbitris
 tradidere: Hi vero primæ comitiorum
 Sessioni diem quartam Decembris
 præfixerunt.

§. XV.

Media ad pacem obtinendam ab Ora- *toribus proposita.*

Adlxreit.

Annal. Boic. Præstituta die singuli Oratores, prout
 tom. 3. p. 3. antea conventum erat, rationes
 lib. 29. quas quisque magis ad conciliandam
Theatr. Eu- pacem oportunas censuissent, Arbi-
rop. p. 5. tris scriptotenus tradidere: Præprimis
pag. 235. igit

igitur Cæsarei & Hispani, qui tum ad- Sæc. XVII.
huc velut unam partem ob caussæ æ- A. C. 1644.
qualitatem constituebant, postularunt,
ut pax Ratisbonæ anno hujus sæculi
trigesimo inter Ferdinandum II. Cæsa-
rem & Ludovicum, necnon pax Ver-
viensis & Ratisbonensis cum Hispanis
& Gallis, item pax Pragensis observa-
retur, & cuncta exinde a Gallo-Sue-
cis Imperio inique erepta restitueren-
tur, reservatis juribus & actionibus in
omnia hæc ablata. Hæc Cæsareorum
petitio omni æquitati innitebatur: non
idem autem erat circa postulata Gallo-
Suecorum; cum enim perperam ab-
lata retinere, firmum fixumque habe-
rent, omnes politicæ artis fontes ex-
haurire cogebantur, ut sua postulata
justitiæ ac moderationis fuso delini-
rent: Percepta igitur Cæsareorum pro-
positione nonnisi vagis oppido verbis,
variisque quæfisis ambagibus respon-
derunt, demum vero crebris inter se
habitis colloquiis declararunt: „se nun-
„quam ad pacis tractationem descensu-
„ros, nisi prius omnium Imperii Prin-
„cipum, Ordinum Urbiumque Legati
„adessent, & Trevirensis Elector liber-
„tati effet redditus; cum enim ea ex cauf-
„sa tam diuturnum bellum gestum suis-
„set, æquum pariter foret, ut absque
„illis nihil de pace ageretur: nec Cæ-
„farem

Sæc. XVII., sarem puduisset, sæpius cum quodam
A. C. 1644. unico Principe vel Imperii Statu si-
„gillatim pacisci, uti Goslariæ cum
„Luneburgico, & Pragæ cum Saxone
„paëtum erexisset.“ Hæc Gallorum
oppositio displicuit non modo Osnabru-
gensi Episcopo, qui Electorale Colle-
gium repræsentabat, sed imprimis Cæ-
fareis Hispanisque Legatis, quocirca
apud Arbitros gravissime questi expo-
nebant, quod pax, prætensa hac om-
nium Ordinum convocatione ob senten-
tiarum diversitatem, & longiorem mo-
ram aut differatur, aut omnino præ-
pediatur; cum tamen horum absentia
congruis pacis mediis saltem propo-
nendis non obstet, & in his comitiis
proposita & conventa sine obstaculo in
proximis Imperii comitiis postea a cun-
ctis solemni consensu rata haberi pos-
sent: novo autem hoc petito Gallo-
Sueci nil nisi moras nectere, novasque
contentiones concitare quærerent; cum
aliunde cunctis Imperii Ordinibus hæc
comitia accedendi libertas ultro jam
concessa fuisset, illos vero, qui venire
nolunt, trahere, aut cunctantes expe-
ctare, inconsultum esset. Cedendum
tamen erat Gallis, Suecisque, tandem
vero Arbitrorum opera & studio Galli
policebantur, ut intra octiduum me-
dia ad pacem opportuna proponere vel-
lent:

lent: exeunte autem hoc anno rursus Sæc. XVII.
 datis literis omnes Imperii Ordines ad A.C. 1644.
 hæc comitia invitarunt, horum adven-
 tum anxie præstolantes, ut accedenti-
 bus Protestantium Deputatis hi facilius
 suorum & præprimis Hassorum libertati
 Religionis, & Sacri spolii possessioni fa-
 vere, vicissim vero Gallis Imperio ere-
 pta tuto asserere valerent, simulque Cæ-
 faream imminuerent auctoritatem ut-
 pote cui velut complendæ necessario
 foret omnium Ordinum præsentia, at-
 que assensus. Ceterum hoc anno de-
 liberationibus imponebatur finis, do-
 nec Oratores de rebus ultro citroque
 propositis a suis Principibus responsa
 acciperent.

§. XVI.

Fædus Gallorum cum Batavis.

Accesserant Galli Oratores ad hæc *Bougeant*
Hist. Bell.
 comitia magis de continuando bel-
tric. tom. I.
lib. 8.
 lo solliciti, quam promovendæ pacis
 cupidi: eapropter tardius non sine
 exterorum Oratorum indignatione Mo-
 nasterium venerant, ut prius Hagæ cum
 Batavis armorum societatem firmarent:
 At in Hollandiæ finibus sat remis-
 se excipiebantur, cum Batavi potius
 nocivum hoc bellum tandem finiri,
 quam continuari desiderarent. Magis
 sibi